

Benny Nisbet:

E mensahe cu pueblo a duna ta hopi cla

ORANJESTAD(AAN)- Den su discurso ayera mainta durante e reunion extraordinario pa eligi presidente y vice presidente di Staten, sr. Nisbet a gradici primeramente su coleganan den Parlamento di Aruba cu a haya e encargo di e pueblo a base di negociacionnan importante.

El a bisa cu no cabe duda cu e decision tuma aki tin otro meta su dilanti, esta pa garantiza un gobernacion cu un maneho mucho mas amplio su dilanti. Democracia ta bibo y pueblo a papia.

Sr. Nisbet P.P.A. no ta considera su mes ganador di e eleccion cu a tuma lugar recientemente. Sinembargo P.P.A. si ta considera cu nan a haya un mandato di participa den parlamento a base di esey participa eventualmente den gobernacion. Y e mandato cu P.P.A. a haya segun sr. Nisbet e lo keda respeta, ya cu e mensahe cu pueblo a duna ta hopi cla.

Esaki ta encera cu un gobiernu tey pa sirbi pueblo y no un grupito, sr. Nisbet a sigui bisa. Esey tabata un realidad amargo di ultimo añanan cu tabata tin un gobernacion a base di prostitucion politica. Algo cu esnan den gobernacion a condena den pasado y a haci un promesa firme cu nan lo para e fenomeno aki, sinembargo nan a kere cu ta mas conveniente pa keda den e gobernacion pa motibo cu tin mester di atencion pa economia y mester atencion pa drecha e situacion.

Homber a cay for di estelashi na Swainwhorf

ORANJESTAD(AAN) -- Miembronan di Recherche, Polis y personal di Veiligheid Inspectie a acudi ayera na Swain Wharf caminda un homber a cay for di un estalachi y a herida su mes.

Tabata trata aki di e homber Dominico Maduro kende mester a worde transporta cu

ambulance pa hospital pa asina ricibi tratamiento medico.

Informacion cu DIARIO a ricibi ta indica cu Dominico Maduro a cay for di un altura di mas o menos 1.40 meter y a dal su stoma ariba un estalachi (cabay).

Investigacion cu personal di Veiligheid Inspectie a haci na e


sitio ta indica cu Dominico Maduro a bay baha y su pia a hera cu consecuencia cu el a cay y dal su stoma contra e estalachi.

Notable tabata cu Dominico tabata keha di hopi dolor y un ambulance a worde solicitada cu urgencia pa asina e ricibi tratamiento medico na hospital.



Ariba e foto por mira un di e hefenan ta splica personal di Veiligheid Inspectie con e accidente a tuma lugar.

Cas di vigilancia na cas di Gobernador ta cla



ORANJESTAD(AAN) -- Recientemente e cas di vigilancia na cas di Gobernador a keda cla. Esaki lo worde usa pa e guardianan cu a keda apunta pa vigila cas di Gobernador.

Manera ta conoci Gobierno a selecta algun persona pa traha e trabao di guardia. Debi na e hecho cu no tabata tin un cas di vigilancia adecuado a laga construi uno cu awor ta cla.

Di e forma aki e guardianan di seguridad tin un mihor vista na e entrada di cas di Gobernador.

DESCUBRA MEDELLIN

- La ciudad de la eterna primavera
- Centro Internacional de la moda
- Ciudad Industrial de Colombia
- De compras, médico, o turismo

vaya a Medellín **Avianca** lo lleva

sin cambio de AVION
MARTES 2:40 p.m.

Consulte con su agencia de Viajes preferido
o AVIANCA 23388

